

Hotel Pazzola ha aviert sias portas

■ (anr/hh) Il venderdis sera ha il Hotel Pazzola a Mustér/Cuoèz aviert sias portas. Ils possessurs *Lili e Gioni Fry-Fischer* han investau ils davos meins oravontut ell'engrondaziun dil menaschi, mo era ella renovaziun dalla part che pertucca il restaurant e l'entrata. Da niev ei vegniu endrizzau ina stanza per seminaris e sedutas. Il Hotel Pazzola vegn meunas egl avegnir da *Patricia Jehle* e *Philippe Fischer*.

> PAGINA 3

O bainvgnü Nadal

■ (anr/rd) In pacs dis esa Nadal. Natüralmaing nu po mancar quella saira il bös-chin garni cun chandailas e da tuotta sorts cullas. Ma ingio ir per ün bös-chin? Cler, da quist temp as poja cumprar in butia ün o postar pro l'uffizi forestal e quels til mainan dafatta fin davant porta. Però na per las scolaras ed ils scolars da la scoula primara da S-chanf. Els han pudü tscherner e tagliar svessa lur bös-chins da Nadal, e quai immez il god. Insembel cun lavuraints da god e la magistraglia sun els its in tschercha d'ün bös-chin.

> PAGINA 9

Cavriel cun pulenta

Cuschina e cultura sco mied da reclama per la Surselva

■ (anr/gv) **Carn cavriel cun pulenta, calun tschut cun chicras e carpacio da bov:** Quei ein treis da rodund 30 specialitads semtgadas dils tschun megliers cuschiniers sursilvans la dumengia sera a Turitg. Surselva Turissem ha envidau ella ustria nova «Loft Five» ed entuorn 150 persunas ein vegnidas per degustar las specialitads dalla

cuschina sursilvana e schar far appetit sin dapli. Quei dapli duein els allura guder en Surselva. *Roland Huber*, il meinafatschenta da Surselva Turissem, ha surpriu l'idea lantashada avon treis onns da *Chris Faber* e sia equipa dil Hotel La Val a Breil e dislocau igl eveniment da Breil a Turitg. «Cheu contonschin nus ils hosps da vacan-

zas», ha el constatau denter il tatar da selvadi e las crochettas cun sabaiou da triflas. *Manuel Reichenbach* dil Hotel Tödi a Trun, la scurvida 2014 da Gault Millau, ei staus in dils tschun cuschiniers sursilvans che han cuschinau la dumengia sera a Turitg.

> PAGINA 5



Surselva Turissem ha envidau a Turitg ad ina tscheina sursilvana.